

NOFOA'IGA TOLUSEFULU FONOFAITULAFONO A AMERIKA SAMOA

Fono Fa'apitoa Lona Lua

Nofoia ma usuia i Fagatogo, Tutuila, Amerika Samoa
 Aso Gafua, aso luasefulu-valu o Aperila
 lua afe ma le valu

O SE TULAFONO E TOE FAAVASEGA AI TOTOGI O FAIA'OGA I LE TERITORI, AIAIA AI SE KOMITI FAAFOE MO FAAMAONIGA O TUSI, TA'U MAI AI TUSI FAAMAONIA MA MANA'OGA AUPITO MAULALO E TATAU ONA I AI, MANAOMIA AI NI TULAFONO GALUE E FAALAUILOA MAI E LE FAATONUSILI O A'OGA, TA'U MAI AI TAIMI E MAFAI AI ONA FAAGAFUA, FAATAGA AI LE TOTOGIINA ATU O NI TUPE MO NI AUAUNAGA, FAATAATIA AI LE FAATULAGAGA ALOA'IA O TOTOGI, FAASOASOA MAI AI TUPE MAUA E FAATUPE AI LE TOE FAATULAGAINA O TOTOGI MA FAAILOA AI LE MEA E SAU AI LE TUPE E ALA I LE SUA O LE MAGA 16.1001 MA FAAVAE AI NI MAGA FOU 16.1003 MA LE 16.1004 T.T.A.S.

IA FAATULAFONOINA E LE FONOFAITULAFONO A AMERIKA SAMOA:

Maga 1. 16.1001 ua suia ina ia faitauina faapea:

"16.1001 Faavasegaina—Tusi Faamaonia

(a) **O faia'oga e faavasegaina o faia'oga, pulea'oga, pule lua, faufautua, ta'ita'i, tagata tomai faapitoa i mea tau a'oa'oga, ma isi lava vasega e mafai ona faatonu mai e le Faatonusili o A'oga.**

(e) **E le mafai ona faigaluega se tagata e avea ma totino o le vasega o faia'oga i soo se a'oga a le malo pe afai e le amio lelei, ma lelei foi lona soifuamaloloina, ma o loo ia umia se tusi faia'oga mai le Komiti Faafae o Tusi Faamaonia o faia'oga. O totino uma lava o le vasega o faia'oga e tatau ona umia se tusi o ona agavaa e maua mai le Ofisa o A'oga.**

(i) **E tofia e le Kovana se Komiti faafae e to'atolu e pasia e le Fonofaitulafono latou te pulea le laiseneina ma le faamaonia o faia'oga uma i totonu o a'oga a le malo. O le komiti faafae lea e gafa ma le fa'amalosia o le porokalama o tusipasi o faia'oga e pasia e le Ofisa o A'oga ma faatulaga mai i aiaiga e faalauiloaina e le Faatonusili o A'oga e pei ona faataga ai i lenei ulutala. O le Faatonusili na te faatulaga mai ia le silia i le 30 aso mai le aso e taualoa ai lenei Tulafono ia Aiaiga o Tusipasi o Faia'oga ina ia pasia e tusa ai ma le Tulafono o Faagasologa o mea tau Pulega o galuega.**

(o) O aiaiga ia o tusi faamaonia o faia'oga o le a ta'u mai ai foi ma isi agavaa aupito maualalo mo vasega nei o le a ta'ua i lalo mo le vaega o faia'oga:

1. Tusi faamaonia le tumau – E manaomia ia le i lalo ifo o le tipiloma o a'oga maualuga. Na o le faalua lava ona mafai e le komiti faafoe ona toe faaopoopo le taimi mo se taitasi tausaga ia na o ni mafuaga ua matua tatau lava. O se tasi o tuutuuga o le faaopoopoga lea o le taimi, pe afai e mafai, o le auai lea i totonu o le porokalama o a'oa'oga faafaifaia'oga. O faia'oga la e umia le tusipasi le tumau lea ia le ititi ifo le totogi i le \$7,737 i le tausaga.

2. Tusipasi faaleoleo – E manaomia ia le maualalo ifo i le tikeri AA. O le tusi lea e faaoga mo le galuega ia le silia i le lima (5) tausaga. Ia auai lea tagata i le porokalama a'oga mo faia'oga e maua ai togi e agai atu ai i le BA ma le tusi faaporofesa vasega 1 faafaia'oga. E mafai e le komiti faafoe ona tuuina atu o se faaopoopoga e tasi mo se taimi e na o le lua (2) tausaga ona o ni mafuaga tatau. O faia'oga la e umia le tusipasi faaleoleo ia le ititi ifo i le \$11,566 le totogi i le tausaga.

(3). Tusipasi faafaia'oga faaporofesa 1- E manaomia ia le i lalo ifo o le BA/BS ma ua faamanuiaina ana mataupu ma su'ega ua uma ona faamaonia e le Ofisa o A'oga (ASDOE). O le tusi lea ia le sili i le lima (5) tausaga. O le toe faafouina o le tusi e faia mo le lima tausaga ma e pau lava le auala e faataga mai ai o le faamae'a lea faaopoopoga pe afai ua mae'a lana 15 itula o mata'upu na faamaonia mai. O faia'oga la e umia le tusi leni ia le ititi ifo i le \$17,572 o latou totogi i le tausaga.

4. Tusipasi faafaia'oga faaporofesa II – E manaomia ia le i lalo ifo o le tikeri MA ma ua faamanuiaina ana mataupu ma suega ua uma ona faamaonia e le Ofisa o A'oga (ASDOE). O le tusi lea ia le sili atu i le 5 tausaga. O lona toe faafouina e mo le 5 tausaga ma na pau lava le auala e faataga ai o le faamae'a lea o le 15 itula o mataupu na faamaonia mai. O faia'oga la nei ia le ititi ifo i le \$21,575 o latou totogi i le tausaga.

(5) Tusipasi faafaia'oga faaporofesa III – E manaomia ia le i lalo ifo o le B.A. ma e tatau ona ia faataunuuna uma su'ega aupito maualalo e manaomia poo le faamalieina foi o le togiina o galuega a le Ofisa o A'oga e agavaa ai mo "faia'oga e maualuga le agavaa". O faia'oga la ia e tatau ona a maualalo mai o le tikeri BA, ia pasia atoatoa pe laiseneina foi e le setete, ma ia lelei atoatoa lava i mataupu ia e faia'oga ai. O le tusipasi lea ia le sili atu i le 8 tausaga. O le toe faafouina o lona aoga e mo le 8 tausaga ma na pau lava le auala e toe faataga atu ai o le mae'a o itula e 15 o mataupu ua uma ona faamaonia mai. O faia'oga la nei ia le ititi ifo i le \$25,841 o latou totogi i le tausaga.

(6) Tusipasi faafaia'oga faaporofesa IV – Ia le ititi ifo i se tikeri faafomai ma ua faamanuiaina ana mataupu ma su'ega faamaomia e le ASDOE. O le tusi lea e le umi atu i le 6 tausaga. E mafai ona toe faafou lona

faaaogaina pe afai ua mae'a le 18 itula o mataupu faamaonia. O faia'oga ia e le ititi ifo o latou totogi faaletausaga i le \$30,945.

(u) O faia'oga ua leva o loo umia tikeri BA a ua 20 tausaga poo le sili atu foi talu ona tautua mo le Ofisa o A'oga (ASDOE), e faagafua latou na mai mana'oga o loo ta'ua i luga. Ina ia agavaa la latou ia mo faaopoopoga o latou totogi o faia'oga e i ai B.A. e tatau ona lelei ona faamae'aina isi a latou mataupu e pei ona faatonu mai e le komiti faafoe. O faia'oga tuai e leai ni o latou B.A. e tatau ona faamae'a la latou toleni faaletausaga e ese mai ai mataupu faatonuina e lina ia agavaa ai pea i faaopoopoga taitausaga ia o totogi.

(f) O tagata e umia tikeri mai atunuu i fafo e tatau ona faaoo atu o latou tusi i le ASDOE e iloilo e se vaega faatagaina ma i ai le tomai i itu ia ina ia iloa tonu ai le tulaga e tatau ona i ai tusi faamaonia ia i totonu o le Ofisa o A'oga. O le faaiuga a le Ofisa o A'oga, i le mae'a ai ona fesoota'i ma le vaega latou te iloilo ina ia mataupu, o le i'uga lava lea o le a faia. O tikeri i le gagana Samoa ma le aganuu e iloilo lava la e le ASDOE na o ia.

(g) O tagata e umia tusi faamaonia e faia'oga ai le tumau ma tusipasi faaleoleo foi e tatau ona auai a le o le Porokalama o A'oa'oga mo Faia'oga i le Kolisi Tuufaatasi a Amerika Samoa (ASCC), o le Porokalama Galulue faatasi a le ASDOE/UH poo se isi lava porokalama ua faamaonia e le ASDOE e maua ai se tikeri AA ma/poo le BA i mea tau faia'oga. O le le usita'ia o lenei faiga o le a aveesea ai ma le galuega ma lē toe faafouina ai foi ma le aoga o tusipasi. O le a taumafai le ASDOE e fai se faiga e tatau ai lava ona galue i totonu o le potua'oga mo ni tausaga ia faia'oga na a'oa'oina i porokalama ia ua ta'ua i luga.

(l) E mafai ona faapitoa se mafaufauga mo mataupu e "faigata ona maua ai ni faia'oga", o mataupu tau le saunia mo galuega ma a'oa'oga faapitoa.

(m) O faaopoopoga o totogi faiaoga ia faia ta'itasi i le tausaga.

(n) O le faasologa o totogi o loo ua faatagaina e mo na o faia'oga lava. O Pulea'oga ma isi faia'oga ua tuua o latou tulaga i totonu o le faasologa o totogi ia o le a ta'ua I lalo ma galulue i galuega faaofisa i totonu lava ole ASDOE poo se isi lava galuega i totonu o le Malo o Amerika Samoa, o le a toe faavasegaina o latou totogi e faaoga ai o latou tusi ma ia tusa ai ma le faasologa o totogi e talafeagai ai o loo failaina i le Matagaluega o Tagata Faigaluega a le Malo. O pulea'oga ma isi faia'oga ua tu'ua a latou galuega e le agavaa fua latou i o latou totogi e tatau ona i ai pe a tu'ua e latou a latou galuega faafaia'oga, ae o le a faavasega lava e pei ona aiaia ai i totonu o tulafono ma aiaiga a le teritori.

(p) O le igoa o le Pulea'oga e faatapulaa lava na o faia'oga o loo galulue i o latou tiute faapulea'oga i aso faisoo i totonu o le a'oga. O le aveesea o se pulea'oga mai totonu o le lotoa a le a'oga, pe ala i se siitaga o lona tulaga poo se isi lava mafuaga, ua avanoa ai loa le galuega lea o le

Pulea’oga. O le faamoemoe o lenei aiaiga ona ia faasa ai le feseetai o Pulea’oga e o atu i galuega i totonu o ofisa i fafo atu o le a’oga o loo galue ai, e aonoa ma le aveesea o le galuega o le Pulea’oga ina ia mafai ona see atu i ai isi faia’oga.”

Maga 2. Ua faavaeina nei se Maga 16.1003:

“16.1003 Tupe totogi.

Ua faatagaina le ASDOE latou te faatulaga se totogi mo auaunaga e faatatau i le faamalosia o le porokalama o tusipasi mo faia’oga. O tupe e maua mai totogi ia o le a siaki pea ma su’eina foi i suegatusi a le Matagaluega o Tupe.”

Maga 3. Ua faavaeina nei se Maga 16.1004:

“16.1004 Faasologa/Fua o totogi.

E faaogaina e le Faatonusili o le Matagaluega o Tagata Faigaluega a le Malo le faasologa/fua o totogi o faia’oga e ogatasi ma faasinomaga o loo i totonu o lenei tulafono. O le Fua o totogi e tele lava ina ogatasi ma le fua o loo faapipii faatasi atu ma lenei tulafono.”

	Galuega	Totogi Nei	Tulafono lenei
Tipiloma; le atoa le 5 tausaga tomai masani faia’oga, MA le <i>Tusi Faia’oga Faaleoleo e (PvTC)</i> mai le Komiti Faafae;	TA-I	\$7,737	\$7,737—TS 5/01
Tipiloma, ma le silia i le 5 tausaga tomai masani, ma le Laisene I Matata eseese mai le Komiti o Matata Eseese a le Malo, Ma se <i>Tusifaia’oga Faaleoleo (PvTC)</i> mai le Komiti ;	TA-II	\$8,215	\$9,272—TS 8/01
AA faatasi ma se tomai faafaia’oga, POO se AA ma se Laisene Matata eseese mai le Komiti lea a le Malo MA se <i>(PvTC)</i> mai le Komiti;	T-V AA/AS	\$9,272	\$11,566—TS 10/02
AA, ma se tomai faafaiga’oga, MA se <i>(PvTC)</i> mai le Komiti; faatasi ai ma le 30 togi e agai atu ai i se B.A.	T-VI AA/AS +		\$14,265—TS 13/02
BA, e lei atoa se 5 tausaga o le tomai faafaiaoga MA se <i>Provisional Teaching Certificate (PvTC)</i> mai le Komiti;	T-VII BA/BS	\$13,296	\$17,572—TS 15/04
BA, 5 pe sili atu tausaga o le tomai masani MA se <i>Provisional Teaching Certificate (PvTC)</i> fmai le Komiti;	T-VII BA/BS	\$13,296	\$18,352—TS 15/05
BA/BS I se “ <i>mataupu e faigata ona maua ai o se faiaoga</i> ” e tusa ai ma tulafono ua	T-VII BA/BS	\$13,296	\$20,682—TS 15/08

pasia e le Faatonusili MA se PvTC mai le Komiti ;	<i>Faigata ona maua</i>		
BA/BS (soo se mataupu vagana ai le saienisi, numera poo le faasamoa) MA se <i>Laisene Faaporofesa e faiaoga ai (PTL)</i> mai le Komiti;	T-X BA/BS/Bed <i>Faamaonia</i>	\$15,180	\$19,912—TS 15/07
BA/BS in a “ <i>I se mataupu e faigata ona maua ai se faia’oga</i> ” e tusa ai ma tulafono ua pasia e le Faatonusili; Ma se <i>Laisene Teaching License (PTL)</i> mai le Komiti; <i>Mo le Aganuu ma le gagana Samoa, o se BA/BS I le aganuu poo le gagana Samoa mai le Iunivesite a Samoa (NUS) poo se isi a’oga maualuga atu ua uma ona aloa’ia e se e se vaega ua pasia e le Komiti faafoe MA se Laisene (PTL) mai le Komiti;</i>	T-X BA/BS <i>Faigata ona maua Faamaonia</i>	\$15,180	\$20,682—TS 15/11
BA/BS i le NCLB ma o loo faavasega e “ <i>maualuga le agavaa</i> ” e tusa ai ma tulafono ua pasia e le Faatonusili; MA se <i>Laisene (PTL)</i> mai le Komiti;	T-XII BA/BS/BEEd <i>Maualuga le Agavaa</i>		\$25,273—TS 19/09
MA/MS e leai se tomai masani faafaia’oga; MA se <i>Tusi (PvTC)</i> mai le Komiti;	T-IX MA/MS	\$19,234	\$21,575—TS 16/08
MA/MS I se “ <i>mataupu e faigata ona maua o se faiaoga</i> ” e tusa ai ma tulafono ua pasia e le Faatonusili the MA se <i>Tusi (PvTC)</i> mai le Komiti;	T-IX MA/MS		\$24,694—TS 16/12
MA (vagana ai le Numera, Saienisi, Gagana Peretania, poo le faasamoa) MA se <i>Laisene (PTL)</i> mai le Komiti;	T-XI MA/MS <i>Faamaonia</i>	\$20,381	\$23,501—TS 18/08
MA/MS “ <i>mataupu e faigata ona maua o se faiaoga</i> ” e tusa ai ma tulafono ua pasia e le Faaatonusili; MA se <i>Laisene l r e (PTL)</i> mai le Komiti;	T-XI MA/MS <i>Faigata ona maua Faamaonia</i>		\$25,841—TS 18/11
MA/MS I le NCLB ma e faavasega e “ <i>maualuga le agavaa</i> ” e tusa ai ma tulafono ua pasia e le Faatonusili; MA se <i>Laisene (PTL)</i> mai le Komiti;	T-XI MA/MS <i>Maualuga le Agavaa</i>		\$26,833—TS 19/11
PhD/EEEd MA se <i>Tusi Faiaoga e (PvTC)</i> mai le Komiti;	T-XIII PhD/EEEd		\$30,945—TS 20/15
PhD/EEEd i soo se matata MA se <i>Laisene (PTL)</i> mai le Komiti;	T-XIII PhD/EEEd		\$35,005—TS 20/17”

Maga 4. Faasoasoina o tupe ma le mea e sau ai le tupe.

Ua faasoasoina nei tupe e lei i ai se mea o faailoga e tuu i ai atoa foi ma tupe e lei faaaogaina mai le tupe faasoasoa a le Ofisa o A'oga o le 2008 e faatupe ai lenei siitaga.

Lolo M. Moliga
LOLO M. MOLIGA
Peresetene, Maota Maualuga

Savali Talavou Ale
SAVALI TALAVOU ALE
Fofoga Fetalai, Maota o Sui

Hereby approved on the 15th day of June 2008
[Signature]
Governor of American Samoa